四 庫全書

薈

要・乾

隆 御 览

本经部

欽定四庫全書管要 春秋集解卷日


繼

詳校官原任侍講正然緒

たこう 春秋集解 提要 並荒乃作此書以矯之其說以左氏為主左 含傳以求經古說漸廢後王安石與孫覺争 劉敞作春秋意林孫復作春秋尊王發微旨 名至廢棄春秋不列於學官轍以其時經傳 臣等謹案春秋集解十二卷宋無轍撰先是 **蔡狄集邵**

方 C j 亦間有悖於道者公穀雖以應度解經然 4 義考載陳宏緒跋曰左氏紀事粲然具倫而 用心動態愈於奮臆遠談者遠美朱異尊經 定覧之自謂無憾盖積十餘年而書始成其 書暇報改之至元符元年卜居龍川凡所改 意測者也自序稱自熙寧間謫居高安為是 盖以左氏有國史之可據而公穀以下則皆 氏之説不可通乃取公殼啖趙諸家以足之 提 亦

災乙亥常莊二十有四年夏公如齊送女諸 衛齊伸孫来公穀皆以為魯慶父魯減項又 得失互見如戎伐凡伯於楚丘較梁以戎為 如此類似公穀之説妙合聖人精微而頗濱 人衛人伐鄭桓十有四年秋八月壬申御廪 待言至如隱四年秋量率師會宋公陳侯蔡 皆以為齊實滅之顯然與經緣成其失固不 **縣以深文武之未免因噎廢食讀者捨其** 春秋集四



浸膏澤之潤渙然水釋怡然理順斯言得之矣至於孔 其文緩其旨遠將令學者原始要終尋其枝葉究其所 為本杜預有言丘明授經於仲尼身為國史躬覽載籍 予少而治春秋時人多師孫明復謂孔子作春秋略盡 丘明魯史也孔子本所據依以作春秋故事必以丘明 窮優而柔之使自求之饜而飫之使自趨之若江海之 時之事不復信史故盡棄三傳無所復取予以為左 春秋集解原序

春秋集解

子之所予奪則丘明容不盡明故當參以公穀啖趙諸 人然昔之儒者各信其學是己而非人是以多室而不 四月白言

通老子有言學不學復衆人之所過以輔萬物之自然 而不敢為予竊師此語故循理而言言無所係理之所 如水之流東西曲直勢不可常要之於通而已近底

王介甫以宰相解經行之於世至春秋漫不能通則試

而凌滅至此非獨介甫之妄亦諸儒講解不明之過也

以為斷爛朝報使天下士不得復學嗚呼孔子之遺言


予哉安知後世不復有能規予遇者其於昔之諸儒或 然在後此孔子之不可及而顏子之所太息也而況於 與論說者顧謂子遜仰之彌高鑚之彌堅瞻之在前忽 復非一覽之灑然而笑蓋自謂無憾矣南荒士人無可 易地最後卜居龍川之白雲橋社門無事凡所改定亦 之非隨亦改之紹聖之初遷於南方至元符元年凡三

於定日華 4c 4cm 1

春秋集解

集解十二卷及今十數年美每有暇輛取觀馬得前說

故予始自熙寧謫居髙安覽諸家之說而裁之以義為



元年春王正月 次至日上上 AL ALS 宋曰仲子生桓公而惠公薨隱公立而奉之是以未 春秋集解卷一 嘗即位也隱公雖長庶子也桓公雖勿適子也適子 也惠公娶于宋曰孟子卒其媵罄子生隱公又娶于 不書即位而書正月何也言朝正於廟於是始成君 隱公 春秋集解 宋 蘇轍 撰

倫而忘君父以行小惠可謂輕千乘之國矣蹈道則 兄弟天倫也為人子受之父為人臣受之君已廢天 桓禮歟穀梁曰春秋貴義而不貴惠信道而不信邪 立則恐諸大夫之不能相幻君也然則自立而以奉 隱於是馬而辭立則未知桓之將必得立也且如桓 則不可公羊曰立適以長不以賢立子以貴不以長 當立而不能自立庶子不當立而能自立矣然則桓 公之立否在隱公也隱立而以奉桓其志可也而禮

三月公及邾儀父盟于蔑 道也諸侯再娶之非禮惠公尸之矣惠公以夫人娶 或日古者禮樂征伐自天子出諸侯專之非禮也凡 邾子克也不書爵不名而字附庸之君未王命者也! 道也盍亦立桓而已為政乎立桓而已為政及其成 之而其子可不以為適乎雖然自立以俟其長亂之 未也然則廢桓而自立禮與兄弟之不加適庶古之 人而授之於是可謂禮矣 **昏大案** 绎

國特馬大國畏馬猶可以少安也孔子曰桓公九合! 書皆以譏之予以為不然春秋之際王室衰矣然而 矣盟必有日月而不日失之也春秋以事繁日以日 故曰其事則齊桓晉文其文則史其義則工獨取之 左衽矣故春秋因其禮俗而正其得失未嘗不予也 諸侯一匡天下民到于今受其賜微管仲吾其被髮 侯之亂舍此何以治之要之以盟會威之以征伐小 周禮猶在天命未改雖有湯武未能取而代之也諸

欽定四庫全書 |

或以月成或以時成者也惟公即位不書日有常日 戊追襲奔叛執水旱雨電冰雪彗字螽螟凡如此者 皆以時成者也會遇平如来至侵敗伐圍取救次遷 此者皆以日成者也朝觐鬼行城莊作毁凡如此者 月成於時者時不然皆失之也故崩薨卒弑葬郊廟 繋月以月繁時以時繋年事成於日者日成於月者 也外般大夫不書月與日果不以告也 之祭盟戰敗入滅獲日食星變山崩地震火災凡如 · 春肚集解

夏五月鄭伯克段于耶 段鄭伯之母弟也其母爱之封之於京將作亂大夫 稱段之奔而稱鄭伯之克何也段之亂鄭伯成之也 共段之不稱弟及公子何也段將為君非復臣也不 請禁之鄭伯不許及聞其將襲鄭而後伐之段出奔 雖逐之而國人不敢爭母不敢愛此鄭伯之所謂能 不禁非不能也將養之使至於亂而加之以大戮故 克者何能勝也段之欲為亂久矣鄭人知之而鄭伯

欽

定四庫全書 |

秋七月天王使宰回來歸惠公仲子之賜 にこりを こより一人春秋集解 王命也天子之宰日宰周公日宰渠伯糾咺之名何 魯之丧諸侯有来明者矣皆以常事不書書字回尊 事為之說則過矣 也其賵非禮也天子七月而葬同軌畢至諸侯五月 不書于策公羊穀梁以為諸侯之事盡於春秋也而 事告則書不然則否雖及滅國滅不告敗勝不告克 也故書曰鄭伯克段于郡以示得其情也凡諸侯之 四

雖命之咺不得行也唯命而行之以為非使也故名 素雖正之可也季文子聘于晉求遭喪之禮而行遭 則緩以賵仲子則未薨也使受命於君出而不如其 則可賵人之妄則不可君子以其可辭而受之以仲 穀梁曰仲子者惠公之母孝公之妄也禮聞人之母 仲子之不稱夫人何也非薨非葬名有所不必書也 喪而以常禮行之不可未喪而以喪禮行之可乎周 同盟至大夫三月同位至士逾月外姻至以贈惠公

佐四庫全書│

九月及宋人盟于宿 秋而不信史失孔子之意矣 亦略矣非以為史也有待乎史而後足也以意傳春 子獨無子乎雖從其夫禮也故凡春秋之事當從史 夫死從子由其夫之喪而聞之曰惠公仲子由其子 子為惠公之母疑於僖公成風故也婦人既嫁從夫 左氏史也公羊殼梁皆意之也盖孔子之作春秋事 之喪而襚之曰僖公成風禮不可以聞人之妄而仲

春以集智

ŦL

|天十有二月祭伯來 公子盆師卒 金庆四庫全書 盆師魯大夫也大夫之喪君不與小飯則不日以為 祭伯天子之卿也不稱使非王命也不言朝未常 言及而不言其人内之微者也宋人外之微者也或 少恩也或曰遠而失之也 也天子之卿而外交於諸侯非禮也 日皆遠而失之也宿小國也盟而以國地宿與盟也

秋八月庚辰公及戎盟于唐九月紀裂編来逆女 次足四華全書 1 二年春公會戎于潛夏五月苫人入向無駭帥師入極 姓諸侯賜族楚未嘗通於周而其大夫曰屈完故氏 無駭之不氏未賜族也或曰未王命也古者天子賜 在國稱夫人禮惟天子不親迎使上卿逆之上公臨 大夫稱人其名皆特書也書裂編以其逆女也凡女 不稱使昏禮不稱主人也裂緣之不氏何也小國之 非王命也極小國也 春秋集解

十有二月乙卯夫人子氏薨 冬十月伯姬歸于紀紀子帛苦子盟于宏 曰某氏卒不科于廟則不書葬仲子始娶于宋故曰 **薨葬畢而祔于廟則曰葬我小君某氏不稱夫人則** 桓公之母仲子也凡公母稱夫人薨則曰夫人某氏 於魯而為魯盟莒故比之魯大夫而稱字嘉之也 子帛裂編也其盟魯故也魯人有怨于苔裂編既昏 之諸侯親迎有故則使大夫可也

三年春王二月己巳日有食之 鄭人伐衞 食正朔也不言日夜食也不言朔朔在前也不言朔 不日或言朔或不言朔曰某月其日朔日有食之者 凡春而書月則書王不然則否日食則曷為或日或 赴于諸侯不反哭于寢不祔于姑故不曰薨不稱夫 夫人子氏麂特立之廟而不科故不書葬左氏曰不 人故不言葬考之以事皆不合失之矣

文EDE 6 15

春秋集解

三月庚戌天王崩夏四月辛卯君氏卒 聲子也隱公將不終為君故不稱夫人不稱子氏而 尹氏者天子之大夫也天王崩為魯主故卒之王子 日伯氏吹填仲氏吹篪禮曰法哉叔氏又曰哭於賜 稱君氏何也哀公之母曰姒氏卒哀未君也隱既君 與日朔在後也 矣不稱子氏而稱君氏著其君也詩曰母氏聖善又 氏皆非姓也猶曰君氏云爾公羊穀梁曰此尹氏也


秋武氏子來求賻 盖君氏也 不求魯不可以不歸魯雖不歸周不可以求之交談 死者曰賵歸生者曰賻歸之正也求之非正也周雖 狐未爵也未爵而使之非正也不言使桓未君也歸 武氏子者天子之大夫也其稱武氏子何也未畢喪 為諸侯主矣則将名之其曰尹氏而不名非尹氏也 **唐头果羿**

虎劉老皆天子之大夫也其卒未當不名使尹氏當

|冬十有二月齊侯鄭伯盟于石門癸未葬宋穆公 八月庚辰宋公和卒 之也 諸侯魯史也其書来赴也其名與魯通也凡諸侯同 禮天子日崩諸侯曰薨大夫曰卒春秋薨魯君而卒 他國曰寡君不禄臣子而名其先君非禮也 則否左氏曰凡諸侯同盟死則赴以名禮君薨赴於 盟名於載書朝聘會問皆以名通故卒則書名不然

|飲定四庫全書 |

完 四年春王二月莒人伐杞取年婁戊申衞州吁弑其君 魯住會故書春秋以魯故卒諸侯及其葬則雖子男 臣臣之罪也稱君則曷為或稱人或稱國稱國以試 禁公卒州吁弑完而自立凡弑君稱君君无道也稱 稱公何也會者在外信其臣子之詞也 衛莊公之世子完庶子州吁州吁有寵而好兵公弗 大臣弑之也稱人以弑衆人弑之也稱臣則曷為或 春秋集解 九



九月衛人殺州吁于濮 陳而求覲於王厚從州吁如陳石碏告陳人圖之陳 州吁未能和其民使石厚求定於石借石借教之朝 不足不若不貶之愈也 單之伐鄭未嘗弒也且弒君而以不氏為貶而足乎 **吁而解馬公子童請以師會之公弗許固請而行故** 不稱公子公羊穀梁曰暈之不稱公子與弑公也夫

钦定四軍全書一人

春秋集解

人執之而請泣於衛衛人殺之于濮稱人以殺眾詞

冬十有二月衛人立晉 世子之不言立固其所也非世子未有不立而立者 衛人立晉何也言歸則晋求入也言立則人立之也一 衛人逆公子晉于那而立之不言晉歸于衛而書曰 公子何也將以為君非復臣也 也雖非其所然而衛人之所共立盖許之也其不稱 何也不能君也 也言衛人皆欲殺之也州吁既為君矣其曰殺州吁

五年春公天魚于家夏四月葬衛桓公秋衛師入成九 月考仲子之宫初獻六羽 天子八佾公六諸侯四然則大夫二而士無佾矣可 隱公問於衆仲於是初獻六羽不言偷羽而不干婦 周公祭文王文王周公之廟用八諸公因之非禮也 故為之官禮也天子八角諸侯六大夫四士二魯以 考成也諸侯不二嫡仲子不得祭於惠公之廟以桓 人無所事武也公羊般梁曰初獻六羽始借諸公也

欽定四庫全書一人

春秋集解

|螟冬十有二月辛已公子彄卒宋人伐鄭圍長葛六年 春鄭人來渝平 邾人鄭人伐宋 宋人取郑田故邦人請於鄭以伐之凡班序上下以 公之為公子也與鄭人戰于孤壤止馬五年邦鄭伐 國之大小而盟會征伐以主者先都小而先鄭主兵

七年春王三月叔姬歸于紀 夏五月辛酉公會齊侯盟于艾秋七月冬宋人取長葛 **猶是也若賢不得書必貴而後書則是以位而蔑德** 伯姬之娣待年於國不與嫡皆行也勝不書書叔姬 言渝棄酱怨也 賢之也吳無君無大夫賢李子而書吳使礼来聘亦 宋宋人使来告命公聞其入郛也將救之問於使者 曰未及國公怒弗救故鄭人来渝平和而不盟曰平 春秋集解


膝供卒夏城中丘齊侯使其弟年来聘 秋公伐邾冬天王使凡伯来聘戎伐凡伯于楚丘以歸 言以歸尊王官也穀梁曰戎者衛也戎衛者為其伐 戎嘗朝周發幣于公卿凡伯弗實故伐之不言獲而 天子之使也稱衙則衛可見我衛則衛不見而何以 凡稱弟母弟也異母則稱公子各從其親者稱之也 不可以廢事而獨可以廢賢乎 也小國無大夫至於接我則書是不可以廢事也位 四月全主

我入祊 八年春宋公衛侯遇于垂三月鄭伯使宛來歸祊庚寅 是以易之天子在馬而私易田其言使宛来歸防鄭 之罪也曷為不言以許田與鄭事未定也宛之不氏 邑也周衰天子不巡守諸侯不朝防近魯許田近鄭 枋者天子巡守鄭人助祭太山之邑也鄭伯曷為以 其色與魯將以易許田也許田者魯朝宿於成周之 為貶乎 春秋集解 <u>+</u>

||九年春天王使南季来聘三月癸酉大雨震電庚辰大| 辛亥宿男卒 九月辛卯公及莒人盟于浮來螟冬十有二月無駭卒 秋七月庚午宋公齊侯衞侯盟于瓦屋八月葬蔡宣公| 夏六月已玄蔡侯考父卒 宿嘗通矣其不名失之也 蔡未通而名者盖通於惠公之世也 販之也或日鄭大夫之未賜族者也

月壬午公及齊侯鄭伯入許冬十有一月壬辰公薨 十有一年春滕侯薛侯来朝夏公會鄭伯于時来秋七 之冬十月壬午齊人鄭人入郊 十年春王二月公會齊侯鄭伯于中丘夏量帥師會齊 人鄭人伐宋六月壬戌公敗宋師于营辛未取部辛已 雨雪挾卒夏城郎秋七月冬公會齊侯于防 防秋宋人衛人入鄭宋人蔡人衛人伐戴鄭伯伐取 公子量將為公殺桓公以求大宰公不許量懼反諧

欽定四庫全書 | 岩隱公之禍將誰討乎盖將討乎桓公隱亡而討桓 將谁使為君隱亡而討桓是重亂也故隱亡則桓君 討不書葬離在内也離在外則何以書葬君子詞也 隱之不忍地也不書葬不成丧也公羊穀梁曰賊不 無正事不在正月也公羊曰隱不有其正穀梁曰隱 則不葬非訓也故凡弑君不書葬不成喪也隱十年 矣討君之難孰與討齊之難不討齊則葬之不討君 公於桓公與之謀而弑之不書弑諱之也薨而不地



三月公會鄭伯于垂鄭伯以壁假許田 元年春王正月公即位 終己正即位之道而即位是無恩乎先君也 位也繼故而言即位是與聞乎紙也先君不以其道 繼故不書即位正也先君不以其道終子弟不忍即 春秋集解卷二 桓公 春以集解 宋 蘓轍 撰

|二年春王正月戊申宋督弑其君與夷及其大夫孔父| 夏四月丁未公及鄭伯盟于越秋大水冬十月 鱼定四庫全書 罪也 而不書予防之謀隱公為之矣桓因而成之非專其 初也書歸書入唇鄭皆罪也其以壁假許田包書假 未有不受者也假未有不予者也郭怕之使宛来歸 不言易諱之也言假有歸之道馬言易則已矣凡歸 許田所以易防也以防為未足而益之以壁耳曷為 卷二十

滕子來朝 滕常稱侯其稱了王所點也 督殺孔父而取其妻公怒督懼遂就殤公君子以督 此弑其君與殺其大夫其言及何也由弑及之也華 生名死而名正也孔父之死何賢而字乎且方名其 為有無君之心而後動於惡故先書弑其君公羊曰 君而字其臣禮子 孔父字也其不名賢也諸侯不生名死猶名之大夫 春秋集群 _____

三月公會齊侯陳侯郭伯于稷以成宋亂 夏四月取部大鼎于宋戊申納于大廟 新定四庫全書 一 其實也 書曰宋吳故言諸侯始以宋吳為會既而無歸亦非 郜鼎華氏之路也華氏之路為不可受矣而又納之 故言非其實也展三十年洛侯之大夫會于漂湖亦 書其所以曾春秋之智木有書其故者也會而書其 成平也被之愈將以平宋亂也既而受船立華氏故 卷二

盟于唐冬公至自唐 三年春正月公會齊侯于嬴夏齊侯衛侯胥命于蒲 秋七月祀侯來朝蔡侯鄭伯會于鄧九月入祀公及戎 也将不終為君不以告也 自参以上則往稱地来稱會會衆詞也一出而二事 凡分行及而告廟則書不然則否特相會往来稱地 則或致其前或致其後致其重者也隱公之不至何 大廟甚之也 春秋集解

|王使仍叔之子来聘葬陳桓公城祝丘秋蔡人衛人陳 六月公會紀侯于郊秋七月壬辰朔日有食之既公子 量如齊逆女九月齊侯送姜氏于雜公會齊侯于雜夫 四年春正月公行于郎夏天王使宰渠伯糾来聘 五年春正月甲戌已丑陳侯鮑卒夏齊侯鄭伯如紀天 人姜氏至自齊冬齊焦使其弟年來聘有年 **脣命者約言而不盟也有以相命故不可以言會未** 嘗軟血故不可以言盟 庫全書

大零 人從王伐鄭 早也得雨口雪不得雨口早曷為以大言之雪上帝 戰王者無敵莫敢與之戰也不言敗諱之也 於是鄭人及王戰于總葛大敗王師射王中肩不言 鄭不言王及蔡人衛人陳人伐鄭君臣之詞也不言 鄭世為周卿士王貳於號故周鄭交惡王以諸侯伐 王以蔡人衛人陳人伐鄭諸侯之師王之所得用也 春秋集解

||大閱蔡人殺陳佗九月丁卯子同生 六年春正月寔來夏四月公會紀侯于成秋八月壬午 **鈴冬州公如曹** 書不時也夫龍見而雲常祀也早雩而以常祀言之 而郊龍見而害始殺而嘗閉墊而然過則書秋大害 祭上帝謂之大害言大於諸侯也左氏曰凡祀啟蟄 也天子雲于上帝諸侯雲于山川百神魯以周公得 失之矣

一缸定四库全書一人

秋伐邾冬十月雨雪祭公来遂逆王后于紀 朝 七年春二月已亥焚咸丘夏穀伯經來朝都供吾離來 冬紀焦来朝 八年春正月已卯蒸天王使家父来聘夏五月丁丑烝 予穀梁曰疑故志之然則非疑將不志乎 喜有正也喜有正所以病桓也然則非病桓將不書 子同桓之適長也以太子生之禮舉之故書公羊曰 春秋集解 <u>F</u>.

九年春紀李姜歸于京師 新定四庫全書 < ◆ 專繼事者也女在國稱女此其稱王后何也王者無 祭公王之三公也王將逆后于紀而使魯主之故祭 如周及晉皆以二事出者也公子結勝而及齊宋盟 體有以二事出者有以一事出而再繼事者其書時 口逐得失到視其實而已祭公自魯逆王后公子遂 公自魯如紀不稱使謀昏也遂繼事之詞也大夫出

夏四月秋七月冬曹伯使其世子射姑来朝 十年春王正月庚中曹伯終生卒夏五月莽曹桓公秋 公會衛侯于桃丘弗遇 諸侯相朝正也有故而使世子攝事畏大國也盖禮 既曰王后美此其稱紀李姜何也自紀稱之也父母 劉夏逆王后于齊不書其歸此何以書魯為之主也 之於子雖其天子后猶曰吾李姜 之變也 春秋集解 六

冬十有二月丙午齊侯衛侯鄭伯來戰于郎 正之也 鄭忽以其有功也怒故以齊衛来戰于郎不稱侵伐 六年北戎伐齊鄭太子忽救齊大敗戎師於是諸侯 衛住與公為會於桃丘既而旨之與齊鄭來戰故書 而稱來戰無詞也鄭雖主兵而走書齊衛衛以周班 日弗遇過在衛也 之大夫戊齊齊人飢之使魯為之班魯以周班後鄭 老二

十有一年春正月齊人衛人鄭人盟于惡曹夏五月癸 **未鄭伯寤生卒秋七月葬鄭莊公九月宋人執鄭祭仲** 突歸于鄭鄭忽出奔衛 宋雅氏女於鄭莊公曰雅始生突雅氏有寵於宋莊 祭仲有寵於鄭莊公為公娶鄧曼生忽故祭仲立之 以突歸而立之書日宋人執鄭祭仲而繼之以突之 公故誘祭仲而執之曰不立突將死祭仲與宋人盟 入與忽之出仲以出君易死罪之也突之不稱公子 春秋集解

事於齊吾猶不敢而況以師昏乎故其立也國人不 為及其敗戎師也齊侯又請妻之固辭或問之曰無 之忽解人間其故忽曰自求多福在我而已大國何 子不稱子何也不能君也忽之為太子也齊侯將妻 于鄭則無難其鄭忽未逾年之君也未逾年之君稱 而内不喜口復入復者厭之之詞也突從亦仲以歸 國無難日歸有難日入無難而內不喜日復歸有難 何也將以為君非復臣也其曰歸于鄭何也凡反其 定四庫全書

歃

秦會宋公陳侯蔡叔盟于折公會宋公于夫鍾冬十有 二月公會宋公于閥 伯子男之謂也且雖伯子男其可一乎 子稱子欄先君也庶子不得稱子不敢稱先君也非 祭仲名也非字也且方名二君而可以字其臣乎嫡 子男一也詞無所貶夫以出君為知權亂之道也故 羊曰祭仲何以不名賢其知權也忽何以名春秋伯 附大國不援以至於出奔盖未嘗君也故不稱子公

灾足日事公馬二人

春秋集解

戊公會鄭伯盟于武父 侯躍卒公會宋公于虚冬十有一月公會宋公于龜丙 十有二年春正月夏六月壬寅公會紀侯告子盟于曲 池秋七月丁亥公會宋公燕人盟于穀丘八月壬辰陳 實而已不然則否不能君也衛州吁陳佗是也 書之不沒其實也雖若而實篡雖篡而實君皆因其 雖以篡得书能和其民而親诸侯內外君之則以君 鄭伯突也突篡其兄而立春秋以君許之何也諸侯

係燕人戰齊師宋師衛師燕師敗續 千有三年春二月公曾紀侯鄭伯巴巴及齊侯宋公衛 **丙戌衛侯晉卒十有二月及鄭師伐宋丁未戰于宋** たこうらとなる 春秋集解 戰異日也不言所戰後也衛宣公未葬其子出會諸 此戰猶以鄭故也先言會而後言日既會而後戰會 宋多責路於鄭公五為會以平之宋公不可故與鄭 以國地則及宋人戰也 師伐宋伐而言戰伐而又戰也不言及宋人戰何也

弟語來盟 十有四年春正月公會鄭伯于曹無冰夏五鄭伯使其 三月葬衛宣公夏大水秋七月冬十月 **皆稱爵敗皆稱衆也** 侯非禮也燕戰則稱人敗則稱師何也與齊宋序戰 也大夫而盟其君禮乎禮諸侯不親盟於他國大夫 即盟於他國非敵君也雖盟其君可也 凡外大夫来盟於魯內大夫涖盟於他國皆盟其君

寒十有二月丁已齊侯禄父年宋人以齊人察人衛人 秋八月壬申御廩災し亥嘗 陳人伐鄭 當而已矣災而為害則不當若災而不害而可以勿 凡師能左右之曰以齊桓晉文之用諸侯不言以何 魯宇事之不可以意推者當從史左氏史也 然而周之八月非當之時也公羊日御廪災不如勿 御原者梁斌之所藏也去申災而乙亥嘗書不害也

次足り事 公考 一人

春秋集解

前夏四月已已葬齊僖公五月鄭伯突出奔蔡 十有五年春二月天王使家父来求車三月し未天王 自取之也然則就君何以稱臣就君之罪重於出君 诸侯之出奔必有出之者矣言其出不言其出之者 諸侯不生名突之名失地也突將殺祭仲不克而出 以公則人自用也用之以私則我用之也 也公用之也諸侯而用諸侯則言以私用之也用之 何也君實有國而出於臣臣雖有罪而君至於失國

許叔入于許 鄭世子忽復歸于鄭 鄭莊公之入許也使許大夫百里奉許叔以居許東 忽嘗為君其其出也稱鄭忽其復歸也稱鄭世子忽 之歸無難矣然而鄭人之所不喜也 反國者惟世子也舍是無足以歸者矣突既出則忽 何也於其出言其不能君也於其復歸言其所恃以

春秋集解

于棕 公會齊侯于艾邦人年人葛人来朝秋九月鄭伯突入 偏使其大夫公孫獲居許西偏許叔因鄭亂以入於 名而字無與爭國者也凡將君而非爭者皆字許叔 茶季是也 許猶有鄭難馬故日入叔之不稱公子將為君也不 之為君微也祭仲存則存矣祭仲亡則亡天夫突入 稱入忽在內難之也公羊曰何以不言忽之出奔忽

鱼定匹庫全書 一

卷二

冬十有一月公會宋公衛侯陳侯于裏伐鄭 地而後伐既會而後伐也穀梁曰疑詞也非其疑也 于櫟未入于鄭忽未嘗奔也而何以書之

盖以為伐突以正忽也夫突在檫不在鄭伐鄭非伐 可勝非也故各非其一而已 突也乃所以救突也公羊穀梁之妄若是者衆矣不

會宋公衛使陳侯蔡侯伐鄭秋七月公至自伐鄭冬城

LOUIS ALIA

春秋集解

十有六年春正月公會宋公蔡侯衛侯于曹夏四月 公

月丁丑察侯封人卒秋八月祭李自陳歸于祭 向十有一月衛侯朔出奔齊 午公會都儀父盟于進夏五月丙午及齊師戰于奚六 十有七年春正月丙辰公會齊侯紀侯盟于黃二月丙 衛宣公然於夷姜生仮子屬之右公子為之娶於齊 公子點年惠公出奔 极子使齊盗殺之并及壽子故二公子怨惠公而立! 而宣公取之生壽及朔屬壽於左公子宣姜與朔構

於巴非蔡桓侯 乎臣子之於君極其尊而稱之禮也諸侯葬而魯往 然則魯君生而稱公諸侯之大夫皆稱公子亦非禮 衰諸侯不請諡於天子故葬則稱公蔡桓之稱侯請 葬来有不稱公者此其稱侯何也傳失之也或 日周 之天子也夫諸侯既沒不請於天子而稱公非禮也 自陳陳奉之也 李之不稱公子將為君也不名而字無與爭國者也 春秋集解

如齊 十有八年春王正月公會齊侯于際公與夫人姜氏遂 及宋人衛人伐邦冬十月朔日有食之 飲定四庫全書 / 會從其臣子而稱公亦可謂禮矣 可書乎其不言及何也及上下之詞也與不相屬也| 雖仇而與於會可以不書乎雖不仇而不與於會其 氏會齊侯于濼夫人不會也穀梁曰夫人伉也夫人 非禮也樂之會公實與姜氏行其不言公與夫人姜

桓公 夏四月丙子公费于齊 丁酉公之喪至自齊秋七月冬十有二月已五葬我君 地故也此其言齊何也在外不可不言也 齊侯通於姜氏使彭生找公不言戕諱之也公愿不

所以惡夫人也

欠己日長

A Aug !

春秋集解

三月夫人孫于齊 元年春王正月 春秋集解卷三 桓公之薨夫人與閩馬魯人責之故出奔不言奔諱 與桓公之薨且出在三月含其大而言其細失之矣 不書即位繼故也左氏日文姜出故也文姜之出孰 莊公 春秋集解 宋 私轍 撰

五年怕逆王姬 之也不稱姜氏以為夫人之義絕不為親禮也或日 設果日比逆王順上出刊單自為智大夫矣魯無軍 國則否略之也罪怕逆女為齊行也故不稱使公羊 者主之王將嫁女於齊故使魯主之而單角逆之單 軍伯天子之卿也天才嫁女於諸侯必使諸侯同姓 所以貶之也 伯不稱使何也外大大使於意則稱使詳之也於他

來錫桓公命 秋築王姬之館于外冬十月乙亥陳侯林卒王使榮叔 王姬歸于齊 次定日重 至書一人 敢忘萬園亞園不稱天王闕文也 錫命者命之以策也衞襄公之沒也王使成簡公追 伯天子之世卿也且魯大夫必名使魯主之則周人 命之曰叔父陟恪在我先王之左右以佐事上帝予 送之齊人逆之足矣魯人何為逆之哉 春秋集解

二年春王二月菲陳莊公夏公子慶久師師伐於餘丘 **葬桓王秋紀李以節入于齊** 齊師遷紀部部部 秋七月齊王姬卒冬十有二月夫人姜氏愈齊侯于然 乙酉宋公馮卒 三年春王正月羽會齊師伐衛夏四月葬宋莊公五月 自我歸之也不言齊之來逆館之于外弗與接也 紀李紀侯之弟也齊方無道其欲滅紀久矣紀非齊

卒夏齊失陳侯鄭伯遇于垂 四年春王二月夫人姜氏享齊侯于祝丘三月紀伯姬 冬公次于滑 鄭伯鄭子儀也桓十五年五月書鄭伯突出奔祭鄭 言非叛也季之不名附庸之君且喜之也 李使為附庸以無廢先祀故書曰紀季以都入于齊 春秋集解

齊外則不恐抗齊以殘其民將棄國而去故以鄙與

之敵也天子莫之治諸侯莫之故紀侯内則不能下

也以篡行之出也以惡儀割雖國人之所立而突行 春秋因其實而君之然則孰與曰皆不與也突之入 鄭十有四年劉之君衛十有一年皆既能君者也故 者鄭突與儀衛行與則是也突行始終為若儀之若 子儀也然則鄭有二君矣可子春秋有一國而二君 世子忽復歸于鄭九月書鄭伯突入于樂十七年高 子儀莊十四年突使傅瑕殺子儀而入則遇于垂者 渠彌殺忽而立子疊十八年齊寒公殺子豐鄭人立

紀侯大去其國 大去者不反之詞也以國與季季奉社稷故不言城 曰君子不幸而處於此如子臧季札可也 也子貢入問之日伯夷叔齊何人也日古之賢人也 其實而已君子不幸而處於此如子藏李礼可也不 日怨乎日求仁而得仁又何怨出曰夫子不為也故 如是則亂不止昔者孔子之門人疑孔子之為衛軍 春肽集解

在馬非所以為安也故四人泰钦等題具也皆不沒

六月乙丑齊侯葬紀伯姬 **新院匹庫全書** 諱也春秋為賢者諱何賢于襄公復離也齊及公京 聖父也故賢之而不名公羊曰何以不言滅為 為豪 不見迎逐故不言奔雖失地之君而原其行事則問 内女不書葬此何以書齊以告也齊侯取其國而葬 而信之可乎 平且襄公非志於復雠者也雖或以是為名春扶從 於周紀侯潜之於是九世矣世蓋有復九世之類者

む三

秋七月冬公及齊人狩于祗 公會齊人宋人陳人蔡人伐衛 五年春王正月夏夫人姜氏如齊師扶郎黎來来朝冬 伐衛所以納朔也不言納將言朔之入故也朔以殺 公忘齊之離而越境以與其人行非禮甚美或日感 二兄為罪而諸侯納之言納則罪在納者而入者幸 人齊侯也不言齊侯為公諱也 春秋集解

其夫人取之則有罪而葬之則禮也

六年春王正月王人子突救衛夏六月衛侯朔入于衛 秋公至自伐衛 子鄭伯伐宋宋魚石復入于彭城言復入而不言納 失言入則罪在入者而納者亦未免也成十八年楚 朔之入猶有默年在馬故稱入 亦猶是也 公及諸侯伐衛以納朔王人救衛不勝諸侯朔遂得 ノチノ) 月一日公民准不言內而公之 罪亦明矣 クュニヨン 然下といいるで

欽定四庫全書

卷

見夜中星隕如雨 秋大水無麥苗 七年春夫人姜氏會齊侯于防夏四月辛卯夜相以 星同間者以為星順如雨盖無足怪也 是時麥熟五稼苗而本秀皆為水所害也 恒星不見夜明也星陨如西泉也左氏以為與雨竹 公羊以為雨星不及地尺而復按歷代天支志記 春秋集解

決 足口事 全書

六

螟冬齊人來歸衛俘

齊無知就其君諸兒 師及齊師圍鄉鄉降于齊師秋師還冬十有一月癸未 八年春王正月師次于郎以俟陳人蔡人甲午治兵夏 弑君稱君君無道也然春秋所書無道而稱臣者六 齊僖公母弟夷中年生公孫無知有罷於僖公衣服 齊諸兒雖無道而無知以其私弑之故稱無知晉夷 禮扶如適襄公紅之故作亂不稱公孫将為君也凡

冬夫人姜氏會齊侯于殺

公及齊大夫盟于蔇夏公伐齊納子糾齊小白入于齊 九年春齊人殺無知 稱君不能君也 齊雅康殺無知而稱人以殺言齊人皆欲殺之也不 **比陳平國蔡固雖無道而罪不加於國人故稱徵舒** 有所當已不必同也 及般齊光雖無道而崔杼之惡甚於光故稱杼言各 春秋集解

阜楚度雖無道而趙盾公子比疑於無罪故稱盾

師敗績九月齊人取子糾殺之 秋七月丁酉葬齊襄公八月庚申及齊師戰于乾時我 新定四庫全書 · 凡當立者不言納與入如宋襄公之納齊孝公言伐 子糾之死魯殺之也鮑叔謂魯子糾親也請君討之 自入也不言歸子糾難之也不稱公子皆將為君也 白皆齊襄公之庶弟而爭國故子糾言納而小白言 而已不言納與入也言納與入非當立者也子糾小 入糾之言納而不言入納而未得入也小白之言入 表ニ

冬沒沫 庇一人亦所以病魯也公羊曰稱子糾宜為君也或 **皆以庶弟爭國未知孰宜為君也未知孰宜為君納** 之使魯殺其親也故使齊自尸之且曰有國而不能 之管仲請囚其曰齊人取子糾殺之何也不予齊人 而未得入而以為未踰年之君也可乎 因公羊而盆之曰此殺未踰年之君也夫子糾小白 春秋集解

管召雠也請受而甘心馬乃殺子糾于生實召忽死

人遷宿 十年春王正月公敗齊師于長与二月公侵宋三月宋 夏六月齊師宋師次于郎公敗宋師于東丘秋九月荆 敗蔡師于華以蔡侯獻舞歸 盆 定 四庫全書 獲諸侯不言獲而言以歸尊之也 荆楚之舊號也不稱荆人夷也獻舞之名失地也凡 遷基指以為附庸也故不言滅 凡諸侯遷國自遷曰某遷于某人遷而有之曰某人

十有一年春王正月夏五月戊寅公敗宋師于部秋宋 十有二年春王三月紀叔姬歸于鄒 大水冬王姬歸于齊 名未通也不言出奔國滅無所出 臣滅人之國其罪均也而其實不可不别譚子之不 凡諸侯滅同姓名其非同姓君行則稱君臣行則稱 权姬始以媵歸紀紀侯去國無歸而叔姬歸魯及紀

冬火果料

冬十月齊師滅譚譚子奔苔

十月宋萬出奔陳 夏四月秋八月甲午宋萬弑其君捷及其大夫仇牧冬 十有三年春齊侯宋人陳人蔡人邾人會于北杏 **欽定四庫全書** 齊桓始合諸侯以平宋亂自是遂得諸侯故四國皆 李自定於齊而後歸鄯善其得禮故書稱紀叔姬明 楚于城濮三國皆稱師盖春秋之書始得諸侯者好 稱人言衆與之也僖二十八年晉文公與齊宋秦敗 非嫁也歸魯不書非寧且非出也

夏六月齊人滅遂 秋七月冬公會齊侯盟于柯 即則大夫亦皆稱人蓋亦衆與之耳 悼公會諸侯之大夫于邢丘改命朝聘之數儉而有 會則稱人兵會則稱師以示眾與之也至襄八年晉 陽之田管仲許之要盟可犯而桓公不欺曹子可雠 討其不會于北杏也 始及齊平也公羊於此言曹末手劒劫桓公以求汶

C 2.1 3 151 2. 45

春秋集解

華元子反則春秋要盟不書楚宋之盟書曰宋人及 楚人平而不書盟令書公會齊侯盟于柯二也故公 桓公曹沫無以發其怒一也使曹沫誠以劫得盟如 手於壇站之上三戰所亡一朝而復素長与之戰莊 羊不足信也魯仲連稱曹子為魯將三戰三北失地 秋之後好事者之浮說而非其實也齊魯之怨不在 而桓公不怨桓公之信由此著乎天下予以為此春 五百里及桓公會諸侯曹子以一甸之任枝桓公之 **灾匹庫全建**

秋七月荆入蓼冬單伯會齊住宋公衛侯鄭伯于郵 十有四年春齊人陳人曹人伐宋夏單伯會伐宋 宋服也天子之大夫與於會盟而魯不在則書之如 單伯會伐宋後也凡天子之大夫出會諸侯不繫之 齊將伐宋請師于周假王命而行故單伯會之書曰 王尊與諸侯比也王人而後繋之王微以王為重也 公始用曹沫以敗齊自是魯木嘗敗安得所謂三戰 三敗而兵劫桓公求侵地者乎故仲連亦不足信也

春肽集解

十有五年春齊侯宋公陳侯衛侯鄭伯會于鄄 夏夫人姜氏如齊 秋宋人齊人邾人伐邬 魯大夫内之也 禮夫人父母在則歸寧沒則使大夫歸寧兄弟文姜 自春秋以来陳序衛下齊桓始覇楚亦始强陳介於 之於齊桓兄弟也親行非禮也 二大國而為三恪首故桓因而進之遂終春秋

欽定四庫全書

鄭人侵宋冬十月 十有六年春王正月夏宋人齊人衞人伐鄭 男滑伯滕子同盟于幽 秋荆伐鄭冬十有二月會齊住宋公陳侯衞侯鄭伯許 討其侵宋故以宋人主兵 會而不書其人內之微者也盟未有不同者也此其

鄉宋之附庸而叛宋諸侯為宋伐之故以宋人主兵

飲定四車全書

春秋集解

日同盟何也有不同者服也於是鄭始聽命穀梁日

十有七年春齊人執鄭詹 邾子克卒 鄭既受盟而不朝齊詹鄭之執政也故齊人執之不 不言公疑與雠盟也柯之會公既與齊盟其何獨至 於幽而疑之讎雖不可與通而襄公亡矣桓公之霸 不從則國病為國故許之也 夫得失未可以斥之也稱行人非其罪也不稱行人 氏未賜族也凡執大夫稱人何也諸侯之尊執一大

秋鄭詹自齊处来 夏齊人殲于遂 詹之義當以身受齊責以舒國患而逃過自免故不 茅戎以為其所以自處者固敗亡之道而非敵之罪 書敗亡其自取者三齊人殲于遂梁亡王師敗續于 齊人滅遂而戍之不戒遂因氏領氏工妻氏須遂氏 饗齊戌醉而殺之書齊人殲于遂自取之也春秋之 春秋集解

秋有蜜 十有八年春王三月日有食之夏公追戎于濟西 冬多麋 所無也 **蜜短狐也含沙射人生於南方魯之所無凡稱有皆** 交也 書來奔而書迎來賤之也 不言我之侵何也未及侵而追之追之而去兵未嘗

舒定四庫全書]

鄄遂及齊侯宋公盟 十有九年春王正月夏四月秋公子結媵陳人之姊于 受命以出共命而不敢事政也有可以安國家利 稱公子單之伐鄭伐宋是也結雖擅命而稱公子盖 稷不得已而專之可也非利而專之則是擅命者不 勝不書以遂事故書其日陳人之婦 哈言之也大夫 **春大集**牌 十四

冬十月

二十有二年春王正月肆大青 戊戌夫人姜氏患冬十有二月蘇鄭属公 二十有一年春王正月夏五月辛酉鄭伯突卒秋七月 冬齊人宋人陳人伐我西鄙 夫人姜氏如苔 齊人伐戎 二十年春王二月夫人姜氏如莒夏齊大災秋七月冬 莒非父母之國而往姦也

欽定四庫全書

陳人殺其公子御寇 癸丑葬我小君文姜 夫得失未可以斥之也改稱人以殺殺有罪也以為 凡稅其臣惟世子母弟稱君以為人君之尊殺一大 雖不君臣不可以不臣父雖不父子不可以不子子 文姜之惡甚矣而売葬盡禮春秋無異解馬何也君 為父隱道在其中矣而文姜之惡何損馬

肆釋也青過也書曰青災肆赦非常事故書

九三日 · 白 · 白 ·

春秋集解

†

夏五月秋七月丙中及齊高侯盟于防冬公如齊約幣 二十有三年春公至自齊祭叔來聘 殺其公子則又甚矣凡殺大夫皆稱名大夫生名殺 國人殺之也稱國以殺殺無罪也以為國君殺之也 不言使也 祭叔祭公之屬也祭公天子之卿士不正其外交故 而名之正也殺而不名賢之也 其曰殺其大夫云者雖殺有罪猶以殺大夫為惡也

夏公如齊觀社公至自齊荆人來聘 秋丹桓宫楹 公及齊侯遇于穀蕭叔朝公 **於包日華全書一个** 蕭叔附庸之若未王命者不言來公在外也禮朝聘 於廟於外非禮也 荆之稱人以其来聘特書也不曰荆子使某來聘未 列於中國也 公將娶於齊故丹桓宮之楹刻桓宮之桷以誇示齊 看秋集解

逆女 于扈 冬十有一月曹伯射姑卒十有二月甲寅公會齊侯盟 二十有四年春王三月刻桓宫楠葬曹莊公夏公如齊 女非禮也不言新官久也 親迎而不志則踰年即位可以不志矣 迎於齊也夫常事不志歲事之常也親迎可謂常乎 親迎禮也穀梁曰親迎常事此其志何也不正其親

秋公至自齊八月丁丑夫人姜氏入 戊寅大夫宗婦觀用幣 公不與夫人皆至夫人不從公而自入失夫婦之正

大夫執發以見夫人禮也公將以多夸之故使大夫

及宗婦后見且皆用勢用者不宜用者也男贅大者

大水冬或侵馬問霸出奔陳 玉帛小者禽鳥女熟不過林栗農脩 お秋事解

郭公 赤歸于曹 金字四章全艺 赤曹公子歸為若者也羁出則赤歸無難矣 大夫也 曹無大夫則二十六年曹段其大夫何也以為有大 曹大夫也曹無大夫戰之書三該而去賢之也以為 題曲該公世子既葬而不稱野不能君也公羊日羁 夫子則賢羁而不氏何也故曹羁者曹之世子而非

夏五月祭且衛侯朔卒六月辛未朔日有食之鼓用壮 二十有五年春陳侯使女叔來聘 禮日食則天子不舉伐鼓于社皆侯用幣于社代鼓 陳自是通好於魯故嘉之不名 曹而繼之以郭公非詞也 郭公失國如曹將書曰郭公亦出奔曹先書亦歸于 關文也公羊發梁曰郭公亦也失國而歸于曹也使 春秋集報

冬公子友如陳 伯姬歸于杞 秋大水鼓用牡于社于門 愈 魯大夫出朝聘日如何也禮成在外未可必於我也 不書紀來逆女逆者非卿非禮也 **馳庶人走今魯鼓而用牲于社告非禮也** 于朝故書曰乃李秋月朔辰弗集于房瞽奏鼓啬夫 亦非禮也凡天災有幣無牲非日月之青不鼓 定匹庫全書 卷三

二十有七年春公會杞伯姬于洮 秋公會宋人齊人伐徐冬十有二月癸亥朔日有食之 二十有六年春公伐戎夏公至自伐戎曹殺其大夫 名衆也晋殺其大夫都绮部毕卻至亦衆矣而名之 稱國以殺而大夫不名殺無罪也公羊曰大夫之不 其相段及奔則正之其餘則否非義之所在也 公子友莊公之母弟也其不稱弟何也母弟之親於

春秋泉解

ナル

冬杞怕姬來告慶承进叔姬杞怕來朝公會齊焦于城 夏六月公會齊住宋公陳侯鄭伯同盟于幽秋公子友 如陳葬原仲 原仲委友之舊也越境而葬其舊非禮也原仲之字 大夫既没不名也 君命不越境 非禮也天子非展義不巡守諸侯非民事不舉卿非 おこ

三十有八年春王三月甲寅齊人伐衛衛人及齊人戰 夏四月丁未邦子瑣卒秋荆伐鄭公會齊人宋人故 衛人敗績 衛人及齊人戰罪其不服也不地戰於衛也伐不言齊侯伐衛敗之取路而還書齊人以路故暖之也書 日伐不以日成也此其稱甲寅何也戰之日也 顏二十七年王使名伯原赐齊侯命且請伐衛於是 十九年王子顏作亂不克奔衛衛師燕師代周立子

摩坎莱姆

冬菜郡大無麥禾 臧孫辰告雜于齊 不已此則所謂大無麥禾也 有水旱螟螽之災而書大無麥未何也劉向春秋記 書於冬者五穀華入計食不足而後書也是處未當 有之苗稼豐夫而實不成百姓以機圖境告然連歲 大夫出聘於諸侯曰如而不曰聘不必其成禮也告 日土氣不養稼穑不成也沈約宋志言吳孫皓時當

飲定四庫全書

夏鄭人侵許秋有蜚冬十有二月紀叔姬卒 二十有九年春新延廏 告雜急民病也 紀雖滅而权姬守義于鄰故緊之紀賢而録其卒葬 因舊日新改舊日新作新作則書新不書此何以書 羅之不言如何也告者在我雖不得羅猶告也凶年 新之不若因其入而新之也 凶年不新可也凡馬日中而出日中而入因其出而 上大其四 Ē

社冬公及齊侯遇于魯濟齊人伐山戎 秋七月齊人降郭 城諸及防 三十年春王正月夏次于成 八月癸亥葬紀叔姬九月庚午朔日有食之鼓用牡于 飲定四庫全書 齊將降鄣故出兵以備之將犀師少故言次 已入齊郭無所附故不言取 鄣紀之附庸也齊人力降之復為附庸故不言滅紀

三十有一年春築臺于即夏四月薛伯卒築臺于薛六 冬不雨 秋菜臺于泰 月齊侯來獻戎捷 中國則否諸侯不相遗俘而況親獻之乎 非禮也凡諸侯有四夷之功則獻于王王以警于夷 郎薛秦皆地也一歲而三築臺議其勤民而傷財也 凡不雨甚則曰大旱甚而歷時則首月必書 春秋集解 主

三十有二年春城小穀 夏宋公齊侯遇于梁丘 齊桓為楚之伐鄭也請會於諸侯宋公請先見齊侯 待國別而知也 故書先宋 **侯城其國曰城其國城其邑曰城其邑邑有常處不** 法也然而管仲之功加於天下義之所許也凡城諸 小穀管仲之邑也魯人德齊桓而為管仲城邑非常

定匹庫全書

秋七月癸巳公子牙卒 八月癸亥公薨於路寢 Car and has 莊公世子般公弟慶父叔牙李友公疾問後於叔牙 成也誅之而不名其罪且不廢其後兄弟之恩君臣 之而卒立权孫氏叔牙將為亂而未成季友因其未 命就叔牙曰飲此則有後於魯不然死且無後牙飲 之義至美故從而書之曰公子牙卒以為得其道也 牙欲立慶父問於李友李友請以死奉般於是以君 春秋集解 Ī

冬十月己木子般卒 慶父使風人帶賊子般于黨氏書曰子般卒諱之也 公麂少地詳山變也売於路寢得正也

鱼灰四库全建]

則書葬無子不廟不廟則不書葬 其名莊未葬也不書葬未逾年之君也有子則廟廟

公子慶父如齊

慶父既賊子般而奔齊其曰如何也書奔是名慶父

之罪也書如則未名慶父之罪也名慶父之罪必誅

狄伐邢 親之至也 故不誅将而不免遏惡也既而不可及緩追逸賊親 親親之義也公子牙今將耳李子不免慶父弑君何 之而後可以兄弟之故因其出奔而緩之且為之諱 春秋集解 南田

				1	1				1.
Đ	i	İ				İ			
JE /		1		1				£	
定匹					l	ł		春秋集解卷三	
ŀΈ	1		i i		Ì			秋	
4					1	1		住	
			1			ĺ		朱	
全書		į	,					解	
1						1		141	
					į	1		友	
		i	!					=	
ĺ				1	i .				
		į		:					
		1		1					
表三					1				
三丰		1				i			
-						1			
į			4 i		!				
			1						
		į							
l									
	,		1						
				1					
		i	1 1		1	:			
1				1					
l			!						
					İ	1			
			1	i		1	i ;	i	
					1		į.		
1			1 1	1	i			1	

盟于落姑李子來歸 齊人救那夏六月辛酉葬我君莊公秋八月公及齊侯 元年春王正月 関公子般之庶弟不言即位繼故也親之非父也尊 春秋集解卷四 之非君也繼之如君父也者受國馬耳 関公 春快集解 宋 蘓轍 撰

冬齊仲孫来 若之何而去之日難不已將自斃君其待之公司魯 齊仲孫狀来省難歸曰不去慶父會難未已桓公曰 可取乎對日猶妻周禮未可動也故書曰齊仲除来 盖魯大夫之出未有言其至者也書曰悉來歸喜 請於齊侯而復之齊侯使召諸陳公次于郎以侍之 慶父之賊子般也季友奔陳君幼國亂魯人思其賢 之也不書其出子般之難力不能禁為之諱之也

金定四庫全書

二年春王正月齊人遷陽夏五月乙酉吉稀于莊公 尺 N. D . D. & ALS 不稱莊宫何也用其禮物以祭莊公而不及孝廟也 稀古祭也禮三年之喪果而稀于太廟以正昭移今 仲孫春秋宣當然乎 未三年而用古禮以稀于莊廟故書曰吉稀于莊公 公子慶父也謂之齊仲孫外之也魯慶父而謂之齊 存魯亡魯制在仲孫非齊侯之所使也不書其名嘉 之也其言來非盟且非聘也公羊穀梁日齊仲然者 春秋集解

公子慶父出奔莒 秋八月辛丑公売 九月夫人姜氏滌于邾 慶父使上畸賊公于武闡故書公売而不地不書葬 慶父之賊子般而安齊也書曰公子慶父如齊其我 奔不言奔諱之也 不成喪也 夫人通於慶父欲立之閔公之薨夫人與知之故出

置之不可得矣故正其罪而書出奔於是李友以貼 般而奔齊也君臣之義當誅矣李子推兄弟之恩因 故可以言卒也慶父之罪見於出奔矣不可復卒也 求慶父於莒而殺之然而春秋不書刺公子慶父何 其出奔而緩之可也及其復弒閔公也雖欲以兄弟 之死也曰公子牙卒而慶父不卒何也牙之罪不見 也李子以兄弟故殺之於隱不名其罪也然則叔才 春伙集解

閔公而奔莒也書曰公子慶父出奔莒何也方其賊

十有二月狄入衛鄭棄其師 冬齊髙子來盟 孫也 鄭文公惡髙克之為人使將兵而禦狄于河上久而 此齊高傒也其盟平魯亂也不言使不書其名猶仲 不召師潰而歸高克奔陳鄭之所惡者髙克也而弁 而恩施於不可復加春秋盖善之也

爺定四厚全書 |

盖莊関之際禍發於兄弟季子處之義行於不得已

C C D La C La C 不反其衆則是棄其師也 春秋寒解 四